

五臺縣志 卷之七

人物志目錄 計五條

鄉賢 名臣 儒林 隱逸附

封廕

孝行

貞烈

耆善 義民附

五臺縣志

卷七

一

人物志

名山清淑之氣鍾於人往往有矯矯不羣者名當時而傳後世臺邑自昔德業之士或贊襄盛世或表正一方或文事懋績或武功効死抑何盛也至於家庭敦篤人無間言鄉鄰睦婣與物無忤以及山棲泉隱者流如修竹之娟好幽蘭之芬芳焉而且巾幗之子矢死靡他以視古奇男子烈丈夫而無愧彙載於冊是豈不足以風乎志人物

鄉賢

五臺縣志

卷七

二

金

張大節字信之代州五臺人擢天德三年進士第調崞縣丞改東京市令世宗判留務甚愛重之海陵修汴京以大節領其役世宗改元於遼東或勸赴之富貴可一朝遂大節曰自有定分何遽爾隨例補尚書省令史擢秘書郎大理司直會左警巡使闕世宗謂宰臣曰朕得其人矣遂授大節俄以杖殺豪民爲有司所劾削一階解職未幾授同知州防禦使事入爲太府丞工部員外郎盧溝水嚙

安次承詔護視堤城擢修內司使推排東京路戶籍人服其平進工部郎中時阜通監鑄錢法弊與吏部員外郎麻珪泣其事積銅皆竄惡或欲徵民先所給直大節曰此有司受納之過民何與焉以其事聞卒得免徵就改戶部郎中定襄退吏誣縣民匿銅者十八村大節廉得其實抵吏罪民斲石頌之召授工部侍郎改戶部世宗東巡徙太府監諭之曰侍郎與太府監品同以從行支應籍卿辦耳尋爲宋生日使還授橫海軍節度使過闕謁謝

東宮顯宗撫慰良久曰萬事惟中可也因榜其堂曰惟中郡境有巨盜久不獲大節以方畧擒之後河決於衛橫流而東滄境有九河故道大節卽相宜繕堤水不爲害章宗卽位擢中都路都轉運使因言河東賦重宜減議者或不同大節以他路田賦質之遂命減焉乞致仕不許徙知太原府以并代鄉郡故優寵之近郭有男子被殺者聞其妻哭聲不哀召而審之果爲姦夫所殺人以爲神西山有晉叔虞祠舊以施錢輸公使庫大節還其廟以

給營 選授河東路提刑使未赴留知大興府事
治有能 閱歲移知廣寧府復請老授震武軍節
度使部有銀冶有司以爲爭盜由此生時河東西
京提刑司與州同議皆以官轄爲便大節曰山澤
之利當與民共且貧而無業者雖嚴刑能禁其竊
取乎宜明 民授地輸課則其游手者有所資於
官亦便上從其議是年復乞致仕許之仍擢其子
尙書刑部員外郎巖叟爲忻州刺史以便祿養承
安五年卒年八十大節素廉勤好學能勵勉後進

五臺縣志

卷七

四

自以得學於任侗待侗子如親而加厚又善奕碁
當世推爲第一嘗被召與禮部尙書張景仁奕世
宗 謂宰臣曰人多稱王脩能官以朕觀之凡事
不 盡心一老姦耳張大節賦性剛直果於從政
遠在 之上惜乎用之太晚又屢語近臣曰某
某非 幹然不及張大節忠實也其見知如此
入太
原名宦
見金史
聶天驥字元吉五臺人至寧元年進士調汝陰簿
歷睢州司侯封邱令興定初辟爲尙書省令史時

胥吏擅威士人徃徃附之獨天驥不少假借彼亦不能害也尋授吏部主事權監察御史夏使賀正旦互市於會同館外戚有身貿易於其間者天驥上章曰大官近利失朝廷體且取輕外方遂忤太后旨出爲同知汝州防禦使事未赴陝西行尚書省驛召特旨遙領金安軍節度副使兼行尚書省都事未幾入爲右司員外郎轉京兆治中尋爲衛州行尚書六部事慶陽圍急朝廷遣宿州總帥牙古塔救之以天驥充經歷官圍解從別帥守邠帥

欲棄州而東天驥力勸止之不從帥坐是被繫逮天驥降京兆治中尋有訟其冤者卽召爲開封僉事旬月復右司員外郎丁母憂未卒哭奪哀復職哀宗遷歸德天驥留汴中崔立變天驥被創甚卧一十餘日其女舜英謁醫救療天驥嘆曰吾幸得死兒女曹乃爲謁醫尙欲我活耶竟鬱鬱以死舜英葬其父明日亦自縊有傳天驥沉靜寡言不妄交起於田畝能以雅道自將踐歷臺省若素宦然諸人多自以爲不及也

見金史

明

王源宏治己未進士任刑部主事累陞四川按察司僉事正德六年流賊猖獗公提兵營山禦之賊敗夜半僞充官兵誑開城門遂僭號公抗節罵賊身被十餘鎗而死事聞上嘉其忠節贈按察使廕子世襲振武衛百戶建坊旌表贊曰蚤顯文明素孚中悃孤城守禦大節克全擬之張許忠烈無二安瑄由例貢任開封府夏邑縣丞正德七年流賊入境多方捍禦城守不支爲賊所獲仗義罵賊遇

害事聞上加其忠義贈開封知府蔭子安節入監見河南忠臣錄贊曰明以折獄忠以濟變大節克全卓哉屏翰

姚一讓萬歷癸卯鄉薦任知縣累陞陝西隴右道公任刑部時欽差山東恤刑民無疑獄任秦城流賊重圍攻困半載極力拒守保全危城卒詔入祀鄉賢公服官爲國爲民居鄉稱孝稱弟勲猷懋著功績宏昭

張蘊道由貢士任知縣政聲丕著陞通判運糧征

蠻有功陞永平府同知歌頌洽於百姓素行無愧
衾影忠孝兩全家國令聞詔從祀鄉賢

國朝

閩士樟字大木性仁厚有長者風任江西德興令
值

國朝初定鼎盜賊滿山谷公蒞三月盜皆出山釋戈自
首公並宥耕田鄰郡盜皆化就公受撫臺邑姜寇
亂後鄉人顛沛公以所積萬金盡散之家無餘財
歲饑公復發粟賑之臺人多所全活爲祖塋置祭

五臺縣志

卷七

七

以爲清明香火之資其所行皆足爲鄉黨法公
卒於廣南雄府樞還臺人深山邃谷識與不識莫
不嗟嘆流涕至今稱頌不衰祀鄉賢

王之翰

見貤封

王奕業任襄垣縣訓導順治六年沈賊叛抗節狗
難襄垣入名宦祠

名臣

金

楊慥字叔玉承安五年進士歷州縣入爲尙書省

令 拜監察御史侍御史西京大農司丞京南司
農卿戶部侍郎權尚書目入戶曹卽有相望資雅
重事無鉅細處之皆有法至於知朝廷大體則又
非他人所能及也京城受兵權參知政事明年卒
於河平

明

楊夢弼萬歷庚子鄉進士初任浙川飛蝗遍野處
處罹災公虔誠祭禱蝗不入境時萑苻盜起公親
詣賊壘諭以順逆賊衆拜服解散終爲良民調繁

榮澤有巨憨祝布者惡同軹解官民驚怖卽時擒
獲處死闔境稱快其異政奇判詳載思碑陞陝西
鞏昌同知中州撫按交疏懇留士民詣闕借寇遂
改授開封同知本府儀封王所爲不軌公與撫按
議奏撫按難之公遂大言曰讀聖賢書所學何事
孔子墮三都強公室也今強藩不法安忍坐視遂
詣闕陳情王懼遺金十萬卽將原金解奏詔削王
籍爲庶人名震中州人有小包公之稱焉神宗親
書御屏曰天下清官第二員勅 褒美丁父喪歸

親築塋壘三年之內形毀骨立竟以衷毀踰制卒
開封士民申請入名宦

儒林

金

巖叟字孟弼大節子也大定十九年進士調葭州
候判官再除雄州觀察判官補尚書省令史除
大理評事再遷監察御史同知河東北路轉運使
事中都路都轉運副使刑部員外郎忻州刺史以
父憂去官起復大理少卿河北東西大名等路按

五臺縣志

卷七

九

察轉運副使累遷刑部侍郎兼夔王傳大常卿兼
國子祭酒大安三年朝廷欲塞諸城門以爲兵備
集三品官議於尚書省巖叟曰塞門所以受兵是
任城而不任門人莫若遣兵擇將背城疾戰時議
多之除鎮西軍節度使移定國軍貞祐二年改昭
義復移沁南逾年按察司言其老不任邊要乃致
仕退寓洛陽卒

明

齊麟洪武乙丑殿試二甲首名與狀元黃子澄探

花練子寧齊名并入翰林編修累陞禮部左侍郎
首闢文明氣運世傳理學名臣四方士大夫咸宗
師之

國朝

張燠字孔昭登順治辛卯鄉薦有至行嗜讀書淹
貫經史而不求章句居常一坐臥間凝然如有所
對與人溫恭不懈所著有五芝堂集十卷家貧自
娛不求聞達隱居龍池四方學者稱龍池先生焉
曲子宜邑廩生孝友端方遠近欽重爲學主敬潛

五臺縣志

卷七

十

心性理尤得力於近思錄博學多文名冠三晉嘗
見許於高文宗孫文定公乃始終未遇以青衿老
命矣夫

隱逸

金

張永通大節之祖宋鄉學生舉鄉薦友睦兄弟田
宅悉以推之鄰有寄筭毫無所動試進士稿就未
成真忽目眩不能書有欲爲之代者不許曰予之
忽不能視乃天之所以示懲也代之則欺君以欺

天矣得第何爲遂無意仕進翰林蘇珊銘其墓曰
功名糠粃富貴浮雲宗族稱友鄉黨稱仁

王敏夫好學篤行尤工詩賦爲時推重累徵不起
教授鄉閭遠近名儒悉宗之

元

劉揚勝

劉行

劉繼祖

劉貞

劉氏自唐宋以來世居紅標村劉揚勝劉行俱元
統三年進士適世亂遂隱晦不仕劉繼祖至元五

年鄉薦劉貞至寧三年鄉薦篤信好學有聲州里
天興間元師南進民皆潰亂逃竄惟劉氏父子固
守田園迺謂鄉人曰爲臣死忠爲子死孝汝等慎
勿輕棄墳墓若有乏食當取給於吾家一鄉之人
賴以圖存

明

解濬學博才宏文優行篤登永樂辛丑進士傳臚
畢歸鄉省親雅意好修澹泊自如終身不願仕進
遠邇服其高致

楊一輝鐸之孫任遼東衛經歷鯁介清廉不事逢
迎指揮黃貢遺金三百兩堅卻不受遂自言曰賄
賂公行時事可知矣乃棄官歸不見邑宰不請託
私事 田奉親優游林下

鄭邦彥居青山下秉心質直操修端潔博通今古
不樂仕進常言異端害正佛氏爲最戒訓闔族力
闢沙門教訓三子俱登仕籍至今鄭氏不信用浮
屠法

張其綱字子立明崇正丙子歲貢嚴正好義動必

以禮築館延師教四方之讀書無力者行路困乏
及釋道投其門設院優養行有遺贖時雁門盜發
剽掠至公里家人告之曰吾主人田舍家所有惟
粟菽然已散之鄉里矣盜相顧引去公卒鄉人悲
號流涕題其墓曰古君子

楊籠字擢虎邑庠生仁厚孝友博通經史值明季
不樂仕進以五經教授生徒臺土無業麟經者令
其子鳴鶴徒鄭斌選等同業是經爲之銓解經傳
大旨且曰春秋乃聖人不得已之作余命汝等業

是經亦余不得已之心也世居峯山人稱峯山先

生

國朝

鄭斌選字憲臺康熙壬戌選貢少孤事母孝工詩

賦家居教授生徒成就者衆捐館後遠近聞者莫

不流涕

封廕

明

馬駿

考績爲最
誥封大中大夫

楊

杞

以子夢弼貴
封奉政大夫開

五臺縣志

卷七

十三

封府同知

王

源

以公守節死職
勅贈按察使

姚汝光

以子一讓貴
封奉議大夫陝西隴道僉事

安瑄

任商邑縣丞死職
勅贈開封府通判
張子英
以子蘊道貴
贈大夫河南彰

德府同知

胡

通

累立戰功
封指揮同知

國朝

王之翰

以子公維貴
封奉政大夫兵部武選司郎中

姚一簡

以子之淵官
贈文林郎陝西鞏昌府清水縣知縣

王槐秀

以子運元官
贈文林郎廣東潮州府海陽縣知縣

徐賜祿

以孫敬儒貴
贈奉政大夫直隸永定河南岸同知

徐天叙

邑庠生以子敬儒貴
贈奉政大夫永定河南岸同知居心正直和睦鄉里

盧嘉言

以子盧譽官
贈修職郎徐溝縣教諭

楊夢周

以孫楊奉官

楊豹亨

以子楊奉官俱
贈為昭勇將軍

河南北鎮
中軍遊擊

馮五美

以子馮蘭官
贈為宣武將軍

楊奉

封昭勇將軍

馮蘭

封宣武將軍

曲贊斗

以子盡直官
封高平縣教諭

明

王氏

贈姚一讓母

王氏

贈楊夢弼母

白氏

贈姚一讓妻

張氏

封一讓繼妻

五臺縣志

卷七

十四

鄭氏

封楊夢弼妻

高氏

封張蘊道母

國朝

張氏

贈姚之淵母

陳氏

封姚之淵妻

尚官

王氏

贈王公維母

張氏

贈王運元母

楊氏

贈王公維妻

張氏

封王運元妻

王氏

贈盧譽母

胡氏

贈楊奉祖母

李氏

贈楊奉母

張氏

封楊奉妻

靳氏

贈馮蘭母

周氏

封馮蘭妻

楊氏

以孫敬儒貴張
贈宜人

王氏

以子敬儒貴
贈宜人

官廕

明

王 臣

以父源死節廢振衛百戶世襲

安

節 以父暄死節廢入國子監任洛

州主簿

孝子

明

石會唐林泉村性至孝居喪盡哀葬父廬墓三年母喪如之其子崙為邑庠生事親居喪一如父制廬墓常有白兔往來晝則同遊夜則同宿時謂孝感所致作詩贊之曰父孝傳兒孝新廬接舊廬荒

五臺縣志

卷七

十五

山雖寂寞仰不愧長虛

楊時倫居栢蘭里父疾禱於神以身代持齋三載疾果愈大司馬孫傳庭有孝行叙補載藝文

解雯庠生進士璿之孫性至孝居父喪哀毀踰制葬則廬墓三年內形毀骨立代郡進士王誠菴作

序贈之

序載藝文

王 居親喪哀毀盡禮廬墓三年及後母喪亦如之通邑稱孝

張大仁任宣府左衛經歷有治聲以母老乞休所

司嘉某孝行純篤以禮送還生事死葬俱各盡禮

以上
舊志

國朝

王子龍建安人甫脫襁褓父藩卽出外三十餘年無音耗子龍一日變產遺母爲饔飧費隻身負招奔豫省延訪期年不遇由豫入陝復赴蜀跨山越嶺難計程途偶至松潘鎮遇其父抱頭而哭敦請偕歸屈指寒暑已歷七載矣母故爲父繼娶李氏曲盡孝養終身不懈

五臺縣志

卷七

十六

張良知居南大興母孀居良知爲傭養母親飽煖而已飢寒或曰丈夫志四方安能終身人役哉良知曰吾少孤家貧非母吾無以至今日非吾母何以終餘年母死良知七十餘乃曰吾所以苟延殘喘者爲母在也母死安用吾哉營葬畢遂縊死

張 上金山人父病癱瘓臥床不起炳跪而進食負而登廁孝養數十年如一日炳早年乏後年七十餘乃舉一子名蚌珠人 純孝之報云

畢生花觀上村人母鄭氏孀居花有二兄俱外出

家貧無虔肩挑担負不避風雨以事其母始終不懈鄉人稱孝焉

貞烈

金

聶舜

書天驥女進士張伯豪妻豪死依父母

居崔立反天驥被鎗傷甚女日夜涕泣迎醫療治弗效乃其股以進竟不可救時京城圍久食盡剽掠凌暴無復人紀女讀書知義理思以自完葬其父之明日乃絕頸而死士大夫賢之元好問銘

其墓曰嗟唯孝女之死自遂死而有知乃父子聚以子則孝以父則義以斷則勇以守則智於今之人麟鳳之瑞

李氏陽白村郝文郁妻年十九而嫁二十一而孀生子居祥未期月父母憫其早寡欲嫁之氏曰妾聞仁者不以盛衰改節義者不以存亡易心禽獸之行吾不爲也居祥天資敏悟讀書不仕母疾行不納履衣不解帶湯藥必親嘗母死伏棺幾滅性鄉人曰其母節其子孝可以傳矣氏葬之日蓋元

元統三年十月也

王氏上金山蘭從義妻早年夫死氏號痛不欲生因家人勸三日乃進一啜生子甫數歲氏撫之寬而嚴事舅姑以孝聞沒後至正九年歲進士王進之作記

國朝舉人劉成菴爲立傳

以上二氏考
古碑補入

劉壽貞舉人劉復初女淑媛貞靜性聰慧能讀書凡列女傳女訓內則等篇皆樂誦不倦幼許字本城人盧春春家貧役於京遽亡訃聞貞遂呼天而

五臺縣志

卷七

十八

泣父母慰之曰女尙未適安得遽爾痛悼貞含淚答曰兒已許盧氏卽盧氏婦矣夫死失所天焉得不痛逐服斬衰春櫬至則攜婢出城扶柩入盧氏家拜舅姑止喪所語其父母曰盧氏舅姑年老無依兒當留此奉養古訓云忠臣不事二主烈女不更二夫自今伊始女是盧家寡婦矣凡內外兄弟俱不得一面父母見其志堅乃賢之其舅姑悲喜交集貞遂對衆自題其堂曰冰雪堂以禮殯夫親塋壘居喪盡制孝事舅姑四十餘年如一日焉有

司以其事聞詔旌表月給食歲給衣年七十四終其婢亦慕貞節義相隨不肯適人貞死削髮爲尼田氏邑民陳福朝妻朝死氏方十九歲誓同死遂自縊

康氏庠生徐光明妻方三月光故氏年十九有娠父母不知憐其年幼且無所守勸之改嫁氏不可曰腹有遺娠若男子可繼徐氏且夫肉未寒何遽議此父母遂不之強後果生男氏撫養備至不幸子復痘殤氏曰吾所以隱忍不死者爲徐君一塊

肉耳今已死矣復何生爲遂自縊死事聞有詔旌表

劉氏女名玉許聘崞陽張氏子爲妻未婚張氏子病亡訃至玉欲往弔其父母不之許女誓以死父母不得已攜女赴弔玉暗藏七首以往旣至拜舅姑後撫棺三匝拜畢卽自刎柩前事聞詔建坊旌表

陳氏淑英許婚劉氏子未娶而劉氏子亡女誓曰婦人從一而終雖未完娶親已許之心卽從之安

可 乎遂往其家守節事舅姑克盡孝道年六十餘卒有詔旌表

曲氏名秋葉大同靈邱人曲大保女母馬氏一弟

介于家貧歲饑就食臺邑僦居林泉村庠生安

崇德 崇德見其美數欲私之女堅拒遂訴於父

母自縊死有司以事聞有詔旌表置安生於法萬

歷三十五年巡按康公爲置田五十畝以葬餘爲

香火 作傳勒於墓

載藝文

陳氏廩生王奇中妻中故氏年二十三歲堅白自

五臺縣志

卷七

二十

守年七十三卒旌表其門

孫氏陳紀妻紀故氏年二十守節不變至六十餘

卒有詔旌表教諭顧章贊曰典常人紀克植於躬

備嘗艱苦壽考而終勁竹高松凜乎其節璞玉堅

冰瑩焉其潔

師氏陳俊妻適三年俊故無嗣慕祖姑孫氏之節

益勵其志年七十餘卒有詔旌表

王氏監生陳价妻价故氏年十七無子撫侄正學

爲嗣教以讀書爲明經年六十五卒有詔旌表以

上三代一門知縣楊啓春重修牌坊題一門節義
三世恩榮教諭王大輅贊以詩云義從心上起清
標繼祖姑藍田三片玉萬載骨難枯

賀氏生員解雯妻雯故氏年二十撫子汝淮讀書
成名年六十餘卒邑人頌之曰夫爲孝子妻爲節
婦

張氏河邊村民段鳳妻鳳少亡氏守節不變年六
十餘卒

武氏貢生張如綸妻綸早逝氏撫男可進讀書入

泮備嘗辛苦知縣崔應麟匾其門曰歲寒松柏

安氏胡彥賓妻賓故氏年二十家貧苦志守節侍
養孀姑撫育幼子成立家計鄉里稱賢撫按給匾
旌獎

鄭氏貢生潮之女適高相儒生子岑未週歲儒故
氏年廿四或勸之嫁氏正色曰吾公翁皆詩禮家
自幼習聞婦人從一而終豈肯事二姓耶守節撫
孤備嘗艱苦鄉評推重卒年七十二歲萬歷二十
八年有詔旌表巡按趙匾其門曰節凜冰霜

張氏邑民王實妻夫故氏娠生子朝宦並撫其姪
朝元家貧守節事姑以孝撫子姪以慈年七十二
歲巡按白公匾其門曰節婦

楊氏庠生曲致化妻化卒氏誓同死乃自縊柩前
有司以其事聞有詔旌表建節烈坊於河邊村
王氏庠生孫嗣芳妻縉紳茂才女未歸嗣芳省試
卒於太原女聞痛悼幾絕柩至乃自縊死事聞有
詔旌表

李氏崞陽開府龍峯公孫女適王玉業任葉縣縣

五臺縣志

卷七

二十二

丞卒於任氏聞夫故晝夜號哭夫柩甫至卽欲同
死諸姑慰之曰爾夫無男女終當守服滿日死未
晚也氏善屬文尤長於詩從茲不操筆硯將烈女
傳數四評斷形毀骨立麻衣不濯三年服終始殯
其夫旣葬歸家自縊於寢次

國朝

任氏適夏縣柴雲龍寄居五臺雲龍貿易山東死
於盜氏聞變痛哭不食自縊而死

李氏陳五倫妻倫故無子家甚貧氏矢志不嫁夏

秋拾遺穗冬春代人操井臼執箕爨以供姑積其所餘爲姑豫壽具姑八十七卒氏年七十三卒
沈氏羅清妻年二十餘清病劇囑其妻再醮氏泣曰婦道從一夫卽不幸妾唯一死而已清死殮後投柩側死合邑哀之陳邑侯爲之旌表

曲氏呂珩妻珩故氏年廿八子甫周歲家寒素苦志守節嚴霜寒雪鄰婦見之竦然起敬年五十七卒其子致和亦復早逝遺婦徐氏倣 姑 之 貞節堅一志撫孤三十載卒年六十有一人稱婆媳

五臺縣志

卷七

二十三

霜雪

張氏劉性之妻貢生張煒之女年十五適劉氏三載生女甫周歲性之病篤囑氏曰劉氏絕矣此女卽劉氏後宜善撫之言竟卒氏哀痛幾絕諸姑救之甦泣曰死固吾分第我死此女亦死負吾夫於地下矣夫殯後劉氏無可依乃依父母家撫女成人荼蘼自甘終不渝志

韓氏廣文張志廣子瑛之婦也生三子瑛卒家甚貧乏依父母家撫育孤幼教子讀書飲冰茹蘗

志益堅

薄氏定襄歲選元素之女適庠生曲文晶晶蚤逝
遺二孤長三歲次逾月氏矢志金石苦節艱貞事
舅姑以孝撫孤幼以慈幾五十載氏年七十長子
早故遺孫六人氏復撫之邑侯周旌表其門

党氏東 鎮白時興妻與故母老家貧並無男女
其姑命氏改嫁氏矢志不移拾遺穗以奉姑縣令
周給布 旌表

楊氏吏部郎中王公維妻明崇正七年值流寇亂

五臺縣志

卷七

二十四

鄉里奔竄遂與公相失度不免乃自殺後公貴贈
淑人

張氏生員王之柱妻柱死氏年廿七值兵寇扶持
幼孤苦楚萬狀教三子成立其季子公瑞早逝媳
馬氏景行姑操奉姑甚孝鄉里稱頌

安氏邑民王則堯妻堯以家貧傭工他郡氏採田
薊以食遇族叔翁王伏高於野高詭借針因持氏
手欲淫焉氏大罵奔歸訴於縣乃引刀自刺其頸
人救之甦歸家遂自縊有司以聞表其門曰貞烈

流芳夏邑侯爲之贊曰知禮知義無私無慾家貧而富貴不能淫年妙而強暴不能辱其生也恭其死也烈雖爲女子而操邁丈夫非計功名而行聞千古復以詩弔之云秀出臺峯得女貞無煩書史造高行夫恩報以三綱義婦道修於一節成我欲生留風末俗卿甘死誓雪虛名俚言未足揚芳烈更待陳情賜異旌

白氏同里張登閣妻登閣早逝氏年十九幾自絕因有遺腹強活之生子謂茹荼自甘終五十載

五臺縣志

卷七

二十五

徐氏登閣弟景元妻景元亦早逝氏苦節自守與嫂無異教子論訥與謂皆食餼時鴈寧道柯旌其

門曰栢舟雙節

以上係舊志

王氏生員張素蘊妻孝廉張暄之母也秉質幽間賦性貞靜夫亡氏年廿二子甫二齡家貧茹荼矢志撫孤奉孀姑孀祖姑以孝聞教子爲文學士乾隆三年建坊旌表入祠

傳載藝文

智氏年十七歲紅表村民李亮妻村人張根隆乘氏出饁強欺之氏不從羞憤自縊乾隆三十年建

坊旌表入祠

齊氏白岷村民楊卓義妻年十八被村人崔七調
姦不從羞憤自縊崔七亦畏罪死乾隆三十年建
坊旌表入祠

甯氏李芝妻芝移居耿家庄遊蕩無度以妻甯氏
有姿色教之賣姦以贍其身甯氏不從持刀刺其
股越日芝給妻歸寧行至董家橋仍嚇殺使從甯
氏堅執不允遂以大石擊破其腦後芝蒙赦還家
自言見其妻來數日遽亡

毛氏河邊村楊文光妻光爲虎傷氏年十九遺孤
週歲苦節堅貞不以貧移不 人勉撫子成立享
年八十八歲

曲氏河邊村劉子燦妻燦故氏僅廿歲遺孤方七
月一無依賴人皆危之氏乃矢志靡他數十年如
一日名其子曰立節以見志

續氏五級村徐應選妻年廿八夫故無子越數年
翁姑亦沒或勸之嫁曰婦人從一而終豈以夫家
無人而易志乎依母家至六十七歲感病謂弟

曰我爲徐而守亦爲徐而死亟送我還乃送至中途而卒

張氏主九章妻會大疫氏與夫俱攬重病九章故氏未省越七日九章出引氏母先期至氏病少差母告以故曰天乎何殺余之慘也吾義當從夫不忍獨生其母再三勸諭氏佯允至夜乘間自縊死旦日合葬於村東

吳氏劉家庄民趙繼普妻幼喪夫子少家貧氏矢節不變行乞奉母歲饑無所得獲馬糞中粟以水

淘洗復以口漱之方奉母其誠孝如此

張氏東寨村劉大善妻年廿一夫卒矢志不二姑喪子痛欲自縊氏伴姑三日忘食姑染病半載氏侍湯藥輒不寐家貧日一飯對姑常有喜色訓子孫維嚴後俱成立孫媳從龍妻史氏亦守節撫孤克繼前徽

張氏孫家庄閻心鎔妻年廿五喪夫無子矢志守節孝事公姑同胞侄鷹揚爲子後鷹揚亦故子萬年甫週歲氏與媳協力撫之鄉里共推

白氏劉家庄村民劉晃妻年廿二晃故子漢玉生甫四月家貧甚氏矢志撫養事繼姑以孝聞

張氏泉岩村楊道生妻年廿二夫死子幼或勸其改適氏曰家貧苦守亦良不易但顧此藐孤楊氏一塊肉也吾撫養成立始可見乃父於地下孀居三十餘年子死氏復撫其孫未幾孫亦死宗祀卒滅悲夫

王氏炭頭村白諭妻年十九夫死子爾達方三月家貧守節備極荼苦享年八十五歲

樊氏四家庄高金成妻寓居代郡夫爲弓姓傭工窺夫出以言挑之氏賦性節烈抗志不從遂縊死有詔旌表

白氏劉愷妻年十七嫁未期年夫死遺腹僅兩月旦夕泣血願以身殉繼見舅姑年高以宗祀絕滅爲痛乃忍息以待後舉子孀居二十四載人莫能覲其面卒以勞瘁積疾死人悲之

孟氏四家庄白文顯妻年廿三夫死一子甫三歲氏撫孤養親姑素有瘋疾不三年死後其舅亦死

苦雨淒風母子形影相弔洵稱苦節

郝氏炭頭村郝文星妻年廿五夫死氏方娠每夕
向天祝曰夫當有後其舉一男及分娩果男氏茹
荼自甘織衽度日遺孤卒成立

王氏炭頭村張克信妻年廿七夫死無子止一女
或勸其改適氏曰所貴乎守節者豈盡爲子而不
爲夫哉遂以族子承祧守節不渝

白氏寺家庄張大顯妻夫死氏年廿六無子撫二
女誓不再醮

五臺縣志

卷七

二十九

孟氏郭家庄張翔妻年二十餘夫死無子氏甘貧
守節孀居五十餘載

呂氏東雷村師文望妻年三十而寡子慎修甫七
歲氏撫養入庠慎修早喪子亦卒其妻韓氏年廿
三或勸嗣已絕可他適氏哭云自初嫁已終身屬
之况高堂年邁安忍恣置乎婆媳同志鄉里競傳
其美

康氏劉建村劉法年妻法年卒氏年廿四子四齡
矢志不二孝事翁姑子漢興娶柳氏生子三人漢

興亦故柳氏痛孀姑無依備歷艱苦一室兩節婆媳俱賢

高氏東茹村張恩明妻恩明故氏年廿五一女無子其母屢勸改嫁氏堅執不從家甚貧氏節始終不渝

宋氏郭家庄張福慶妻家貧無子夫死守節三十餘年寡而兼獨尤屬苦節

續氏南頭村王嘉彥妻年廿五夫死無子家極貧甘心守節

孟氏庠生趙敬修次子克讓妻年十九夫疾篤囑曰我無子息汝年幼能盡婦職以代子職否氏泣諾及卒冰霜自矢孀居十餘載以病卒又田氏敬修三 乾利妻年十九夫死無子女其母憐其青年欲嫁之氏矢死不從人稱一門雙節

胡氏潘家峪鄭士學妻孀居六十年守志盡孝能繼姑節

王氏潘家峪鄭本深妻深沒氏年廿六有一子名如鳳家甚貧守節不移

常氏八塔村周臣爽妻爽卒氏年廿九事姑撫子
曲盡孝慈五世同居鄉里稱家法之善者必首推
周氏子周琬妻張氏年十九夫死遺子鳳翔未週
歲氏事親撫孤與姑常氏同又子周珉繼妻高氏
珉卒氏年十六無出斷髮自矢撫養前妻子鳳騰
無異已出與姑嫂並勵冰操時稱一門三節
曲氏王廷彥妻彥死氏年十九生遺腹兒上事翁
姑下撫遺子獨力經營艱苦萬狀卒年五十九鄉
人匾其門曰守貞昌後

楊氏高洪口民張作妻作故氏年廿三無子一女
後女亦亡氏孀居奉事翁姑始終盡禮享年八十
八歲

邊氏西馬村王建治妻年廿一夫歿父母欲令改
嫁氏厲聲曰吾若改適吾叔等俱幼舅姑將何望
也其後生計益微鄰婦見其難堪或勸之則曰吾
年幼尚無別意今將老豈他適耶飲冰茹蘗年五
十四卒

鄭氏三角村李茂林妻其夫早逝無子氏堅白自

守奉舅姑以孝撫諸侄以慈鄉鄰有栢舟之賦
梁氏邑民師純修妻夫故氏年廿一遺子襁抱苦
志撫育尤孝事孀姑家甚貧無難色

陳氏適在城王詔爵詔爵赴湖廣始終不歸氏年
廿三遺腹生一子名建極矢志苦節撫子成立卒
年八十五歲楊邑侯旌其門曰節壽堪欽

馮 茹村張均泰妻年方廿二生子未彌月均
泰家寒適粵東數年未歸傳言均泰已故父母意
欲別 之馮氏矢死不從奉親撫子歷盡艱苦初

五臺縣志

卷七

三十二

無異言均泰越三十五載始回重得聚首雖屬有
夫之婦足徵無夫之節矣

張氏五級村民梁永寧妻十九于歸寧家貧外出
氏生廿一遺腹三月艱辛苦楚口無怨言後舉一
子耀德時值歲荒併日而食卒撫孤成立七十六
歲以壽終

河邊村曲滿辰妻梁氏 河邊村生員曲佐辰妻
薄氏 河邊村曲配斗妻王氏 河邊村鄭德成
妻曲氏 河邊村曲濟直妻薄氏 河邊村

閔妻陳氏 呂家庄呂傅商妻梁氏 環春坪韓
相臣妻王氏 西頭村生員白紹先母王氏 東
峪村胡康妻周氏 東峪村胡二正妻張氏 陳
家庄胡應臣妻羅氏 陳家庄趙永益妻張氏
孤獨店羅錦秀妻李氏媳羅氏 安郢妻

張氏 白家庄白峒雲妻閻氏 東茹村生員張
璽妻劉氏 裴家溝席奉璋妻羅氏 五級村劉
殿文妻梁氏 五級村王述修妻張氏 建安村
徐鍾璫妻周氏 建安村徐宣熺妻白氏 夾子

五臺縣志

卷七

三十三

灣王子龍妻呂氏 石村徐憲章妻梁氏 東冶
鎮朱呈麗妻趙氏 東冶鎮徐建初妻薄氏 東
冶鎮呂中音妻徐氏 東冶鎮宋鵬妻趙氏 東
冶鎮趙徵鳳妻智氏 北大賢白閻然妻張氏
西坡村鄭林鵬妻盧氏 在城庠生劉新業妻田
氏 小王村鄭應妻楊氏 甄家庄王掄魁妻劉
氏 陽白村孟王卿妻郝氏 郭家庄庠生張芳
母楊氏 上金山劉倬妻郭氏 白贈妻
徐氏 監生趙峻德妻趙氏 上金山劉成文

樊氏 上金山劉淳妻張氏 下金山張貴生妻

智氏 桑家掌郭世官妻張氏 白榮祖

妻康氏 小王村鄭侃如妻李氏 小王村鄭崇

典妻楊氏 松岩口史為仁妻劉氏 高家庄庠

生王心寧妻呂氏 西雷村張永興妻梁氏 西

雷村張文煥妻張氏 東寨村王沛生媳楊氏

河北村王懋時妻韓氏

耆善

明

五臺縣志

卷七

三十四

劉子寶

路拾遺金一橐其人守候還之酬以十金不受後值礦賊掠里中其妻張氏率子婦孫女投崖俱得不死見石上有婦人履跡人以為家所供觀音大士救之後人贊之曰橐金不匿乃完妻子天道昭報誰云不邇

陳

翱

景泰間歲飢輸粟八百石以賑成化間飢輸粟三十斛復煮粥以食人多全活

張

懋

同陳翱輸粟八百石

韓勝傑

輸粟八百石賑飢

王

璽

兄弟各輸粟八百石賑飢

王

楊宜春

萬歷年間歲飢捐銀五百兩買粟賑荒

王師曾

坦直寬宏
周恤貧困

張九韶

處眾寬仁
與人無爭

智郜

謹厚持重
推

閻宏道

邑庠生設
絳有功

呂琢

天性剛直
行事公平

呂璉

秉性醇厚
友愛天然

張廷正

飭躬醇厚
接人謙和

楊楫

邑庠生忠厚傳家
義方訓子有儒風

呂

夫性孝友存心寬厚
謙和愛人不求令譽

以上舊志

國朝

姚際唐

邑庠生中正和平
公舉優行部

義民

明

五臺縣志

卷七

三十五

王鵬

制行端方耆學不倦
四世同居家政肅然

王本

中和醇謹義方訓子
閭里以善人稱

楊琇

天性孝友慷慨好善
年九十四卒

高岡

天懷雅致德周
閭里一鄉重之

張崙

讓和友愛尚義好施

陳相

厚重少文守法省身

徐林山

好善樂施詩書訓後

高魯儒

持身醇謹教子義方

李仲前

長厚自守

王卿

孝義端方
動有綱紀

胡彥清

時文廟傾圮同弟彥質各輸銀一百兩

國朝

徐鴻名

氣度雄偉尚義好施寡言語有方畧劉迂
之亂設謀拒賊一境獲安大兵後年屢飢
每歲出粟數百賑濟存活甚衆沱水放溢
人艱於涉秋冬架木橋以渡春夏養水手
八人以送行旅既卒鄉人爲立碑於其里

王任之

娶姚氏相敬如賓生一子姚氏故任之年
甫二十五歲或勸其再娶辭曰娶妻爲生
子耳我有子矣先人祀可不絕更娶何爲
鰥居終身以上舊志

朱生

自崖村人性愿慤好善常修平道路不遺
餘力今邑之西峩嶺水峪溝小嶺及崞縣
之白石直隸之黑山關向皆羊腸鳥道名
生裹糧往治險者平隘者濶三邑德之爲

五臺縣志

卷七

三十六

立石記功

石生雲

鄭家小賢村人性好善恤孤寡隆冬降雪
掃除道路西至木貴嶺東至滌陽嶺南至
松嶺北至豆村鎮至老不倦柴邑侯給匾
云耆年集善